

續修四庫全書

卷之五
五言古詩
五言律詩
五言絕句
五言排律
五言長句
五言歌行
五言雜詩
五言雜體
五言雜賦
五言雜歌
五言雜曲
五言雜雜

《續修四庫全書》編纂委員會編

續修四庫全書

上海古籍出版社

一五六七・集部・別集類

籀高遺文二卷	〔清〕孫詒讓撰	一
雪虛聲堂詩鈔三卷	〔清〕楊深秀撰	六五
賀先生文集四卷	〔清〕賀濤撰	一〇一
鬱華閣遺集四卷	〔清〕盛昱撰	二一七
意園文略二卷	〔清〕盛昱撰	二三九
附意園事略一卷	楊鍾羲撰	
師伏堂駢文二種六卷	〔清〕皮錫瑞撰	二六五
師伏堂詩草六卷	〔清〕皮錫瑞撰	三八一
湘廡閣遺詩四卷	〔清〕陶方琦撰	四五三
漢孳室文鈔四卷補遺一卷	〔清〕陶方琦撰	四八三
夷牢溪廬文鈔六卷	〔清〕黎汝謙撰	五五三
夷牢溪廬詩鈔七卷	〔清〕黎汝謙撰	六二七

籀高遺文

二卷

南陵涂乃昌署



瑞安顏川書舍藏

籀高遺文序

籀高遺文，民國五年，其家曾為刊行一部分，即今籀高述林十卷是也。書非先生手定，體例頗舛駁，蓋編輯宗旨，既以述著為歸，則文之無關於學術者，所當刪汰也。而編中若謝天中贊、若福甯鎮總兵事狀之類，文備應酬，濫以入錄，正式學術論文，如瑞安縣志局總例、六條瑞安縣志局採訪人物條例、採訪溫州遺書約、古履記序、周禮政要敘之類，反在屏棄，本末倒植，何可通乎？昔汪中述學外篇，多錄性韻之文，識者尚以名實不符為病。矧孫氏此編，不區篇帙，而採輯又不逮汪書之詳賅乎？曩予草籀高學會宣言書，定整理孫氏遺書計劃，尤以此次其遺文為斤斤，蓋有鑒乎此也。夫學者萃心力於專著，瑣瑣篇章，後人每忽視之，以致散亡愈易，整理難，可慨也。且專著，裁篇命名，出自作者，後人整理，校勘之外，無餘事矣。遺文則散在各處，據摭既畢，次以校勘，發凡起例，又有編纂之煩難焉。述林之陋，以未盡據摭之功，而急為編纂之業耳。同里楊丈子林，閩鄉邦遺獻之廢墮，纂畝海續集，如千卷孫氏遺文之未入述林者，多所甄錄，據摭之功，不可沒也。惟總集體裁，泛及諸家，不

李序

軒又不逮汪書之詳賅乎？曩予草籀高學會宣言書，定整理孫氏遺書計劃，尤以此次其遺文為斤斤，蓋有鑒乎此也。夫學者萃心力於專著，瑣瑣篇章，後人每忽視之，以致散亡愈易，整理難，可慨也。且專著，裁篇命名，出自作者，後人整理，校勘之外，無餘事矣。遺文則散在各處，據摭既畢，次以校勘，發凡起例，又有編纂之煩難焉。述林之陋，以未盡據摭之功，而急為編纂之業耳。同里楊丈子林，閩鄉邦遺獻之廢墮，纂畝海續集，如千卷孫氏遺文之未入述林者，多所甄錄，據摭之功，不可沒也。惟總集體裁，泛及諸家，不

據上海圖書館藏民國十五年石印本影印原書版框高一六〇毫米寬二一八毫米

韜高遺文

〔清〕

孫詒讓撰

能有所軒輊而獨膏學術在社會上之位置所當特出故遺文亦宜有專集夫總集家數既詳篇章斯略此遺文所宜別行者一置備全集注意則僅一部分物質金錢而不經濟此遺文所宜別行者二陳君繩夫深體此情廣楊丈所輯別為單行拾遺補闕成稿膏遺文二卷雖不敢云孫氏文筆具盡於此而耳目所及亦已備矣且卷帙既減校雠益精審是亦此編勝於總集之點也儻他日更取此編而與述林通融挹注以闡於學術之文志入述林其餘另為一編或竟廢述林之名而併為一集則第三步之工作亦不難因此編而踵見也此吾攜膏學會同志之職責而大有望乎繩夫者也

民國十五年仲春李笠識於甌江寓廬

李序

孫籀膏遺文敘

吾既自宋南渡以來人物蔚起彪炳文章踵相接也顧兵火迭徑欲其遺著存者不能什一可不悲哉孫徵君仲容先生學博古今著有周禮正義墨子問詁札迨述林某文舉例諸書既已風行海內矣未刊者尚有尚書駢枝廣韻姓氏刊誤經遠溫州古甌記古籀餘論若干種遺文即述林之餘也皆殘篇復簡之散留於人間者余自束髮以來取喜收藏鄉先哲遺著每遇邑中或有遺文斷簡莫不矜惜而迨錄之而孫先生之文猶溪愛之藏之苟匿久而不發至乙丑

序

歲南陵徐積餘觀察囑錄儀徵劉壽曾温州經籍志敘始檢得籀膏遺文二十餘篇意欲亟付桀棗因篇目過希實難挈佈適吾邑楊翁子齡前輩收藏鄉哲遺著甚富並著有甌海續集三十餘卷孫太僕琴西翁續集即補其闕者所錄孫先生遺文四十餘篇與余舊錄合併爰成此集刊而行之亦海內學士所欲觀歟昔民國十五年元宵日邑後學陳準敘於漱澗齋

福壽遺文目次

卷上

壽序

項太恭人八旬壽序

胡雨帆先生七十壽序

袁鐵梅先生七十壽序

徐太宜人暨王太安人壽序

張廣雅尚書六黻壽序

胡芳谷夫婦六十壽序

鑑亭林老先生七十壽序

福壽遺文目次

敘

午興林氏譜敘

上田戴氏族譜敘

溫州古履記敘

周禮正要敘

東瀛觀學記敘

補學齋詩鈔敘

陰山寺募鐘敘

東游日記敘

師竹齋吟草敘

題跋

書影宋鈔殘本永嘉四靈詩後

刻竹軒雜纂跋

刻橫塘集跋

刻蒙川遺稿跋

書校顧亭林詩後

餐菊軒詩草跋

曾祠百詠跋

書于常侍易注証後

跋王居士報塔銘

福壽遺文目次

碑銘

誥授光祿大夫浙江溫處兵備道童公神道碑

誥授光祿大夫頭品頂戴二品銜賞戴花翎浙

江溫處兵備道童公墓誌銘

誥授總節將軍晉贈廣威將軍雲騎尉溫州中

營千總許君暨子廣威將軍雲騎尉瑞安營

候補外委許君兩世墓志銘

卷下

書

與莊生書

與蓮某書

與趙齋書

與江蘇教育總會書

與某君書

與曲園書

與次饒書 七通

與春臣太公祖書

祭文

奉謝知閣 仙孫編修希旦 兩先生神主崇祀學

消書院祭文

稿齊遺文目次

祭林左龍文

雜著

瑞安縣志局總例六條

瑞安縣志局采訪人物條例

徵訪溫州遺書約

改紅封為櫺完以其羨餘充學款議

六十辭壽啟

詩詞

青田端木太宰召廷試卷臨黃庭經敬題絕句

題焦山定陶鼎拓本

題吉日公已石刻二首

鶴亭孝廉呂新芥宜子孫竟拓本寄贈既為小

跋奉求董正意有未盡律成二律

送郭滋霞入湘調查礦務

題埃及石刻拓本

題楊嘴村明經世塚靜觀圖

題天籟閣品茶圖

題趙飛燕玉印拓本

題董臨禊帖

自題變法條議後

稿齊遺文目次

新羅山人龍樸圖維揚馬氏故物也叔方姻丈

頃從永嘉故家得之遂為所藏書畫之冠承

示屬題謹成小詩藉志眼福并求誨正

周伯龍妹倩以明隆並兵科給事素園李公遺

印見示作詩紀之

叔方姻丈以陽明先生書簡真跡見示俗冗家

集未遑致誼敬題小詩以志欽慕並求誨正

舊見鐵冶亭尚書刊入帖內有陽明矯亭說

石開在京師庚子兵燹不來尚存否故增反

之

題洪海籌甌江話別圖

題岳忠憲王印鈴本後

題硯

稿膏遺文下

五

稿膏遺文卷上

瑞安孫詒讓著 邑後學陳 準音輯

奇序

項太恭人八旬奇序代家大人作

光緒癸未七月十九日爲我舅母薛太恭人八秩奇辰於是哲嗣攬谷栗亭兩表弟將率孫奉卮爲太恭人壽而以侑觴之文爲屬衣言忝廁諸甥於太恭人徽儀淑德聞之遐悉故輒陳其大畧以爲千秋之祝而非夫尋常頌禱之辭也蓋太恭人系出廉村薛氏爲宋敷文閣待制薛公良朋之苗裔元明以來久爲

稿膏遺文上

集古齋叢書

吾鄉望族幼習女訓兼工組紃及長歸我先舅氏若圻先生爲繼室先舅氏伯仲四人仲爲雁湖處士遵學潛德不事舉子業有王仲任皇甫士安之風尤工吟咏所著且甌集詩格醇古凌轡咸唐浙東詩人殆無倫比次舅氏几山學博以名孝廉爲富陽校官所學尤淹博天翼校讐奄綜乾嘉漢學諸大師之長儲書數萬卷丹鉛殊遍先舅氏幼承兩昆之緒論益肆力經史於學無所不窺而又從伯氏受詩法得其微旨而著耕讀亭詩鈔八卷與且甌集並盛行於世一門昆李富有纂述尤吾鄉之嘉話也先舅氏既爲嗜

文翰不復問家人生產董理家政綜治繁祿率賴太恭人之力爲多至於持尚儉樸斤絕華靡靡靡楸狀之榮而荆布之風至若無改見者若不知爲富家媼也既而攬谷栗亭兩表弟並以積學雋才上熏慈訓宇量高雅器識純素庠序蜚聲鬱爲時棟諸婦珩璫鍼黹婉嫵柔嘉咸守太恭人之家法兢兢勿敢違文孫則又嶄然見頭角瑤環瑜珥起膺德門於是益歎太恭人之賢其克享上壽爲吾鄉女宗固其宜也曩者同治癸酉值太恭人七十奇辰攬谷栗亭既舉稱觴之祝而余弟鏘鳴爲文以紀之時衣言方備官江

撫青遺文上

二

東未得躋堂上壽今者告歸家衡閉門卻掃數與攬谷栗亭晤譚輒從問太恭人起居羨其含飴弄孫之樂爲不可及而太恭人則又八秩矣竊念外家者舊稀如晨星而太恭人老耆彊固獨以大年厚德爲姻黨之宗法斯固不可以無紀也輒縷陳之以答攬谷栗亭之意奉藉晉膳之暇敬爲太恭人誦之儻爲加餐而一笑歟

胡雨帆先生七十奇序代家人作

余讀周官經大司徒職以保息六養萬民首曰慈幼竊歎先王奇人之政經緯萬物者至精且備後世育嬰之舉蓋權輿於此顧古人經世大法日就淪墮其一二端存者或浮慕其名而忘其精意之所在苟非得其人理而董之則雖良法美意亦且徒爲具文未君叔之言曰理國以得賢爲本不信然哉吾邑舊無有嬰之堂同治間余弟藻田始與羅雨樵大令商推紐建邑之賢士大夫相與贊其事者蓋十數人而總其成始終無怠者則咸推胡君雨帆之功爲最是真

撫青遺文上

三

能探慈幼奇人之精意而課其實政者歟君之族自宋元以來世居吾邑胄姓繁衍科第蟬聯邑中推爲甲族君少承先業約守儒素爲養親計屈就縣掾非其志也既而以困寇功議敘得按察使照磨於是君之家業益昌而名亦益盛夫曹史之選惟漢最重勲業如蕭曹經師如鄭康成氣節如范孟博皆出於其中至於以才望致位公輔者尤不可枚舉蓋其時爲牧守者無不妙簡僚屬與其選者亦皆得竭其材力以佐郡縣之治故其政效之卓人材之衆爲後世所不能及君素通達世務而加之以綜敏之才誠篤之

操顧束於繩墨不能如古人之暢行其志既以功登薦牘爲監司屬官而又未得真除以大展其才此余所爲君歎惜不置者也雖然育嬰之舉所以拯諸幼之不育者而登之仁壽也君之董斯事也綜理詳密精力逾人爲選擇保姆優給廩餼歲時督其肥瘠苛疾而謹調護之堂之經用皆悉心鈎考日有計月有要必使絲毫無浮冒如是者逾十年其所全活者無算然則吾邑人之賴君以壽者不其多乎前此君六十生辰余弟爲文以紀之今君年七十矣戚友復爲君稱祝而以侑觴之文屬余余稔知君生平敦尚風

篤高遺文上

誼自少而課其弟仲嚴明經以力學遂以恩貢生侍詮校官今仲嚴卒而君撫其諸孤與君之子小忱茂材歲擅文業有聲於時至其贊成義舉如重建文廟及復飛雲江義渡諸大端皆賴其力爲多以及施棺槨修橋路掩骼埋胔諸善事尤難悉數而育嬰之功爲尤鉅然則君之所以壽吾邑人者既如此則合邑人之壽以祝君之壽俾永於無窮其孰曰不宜故謹書之以爲尚義者勛非徒積善獲報之常語也

袁鐵梅先生七十壽序

夫昂宿騰輝認其祥者五老斗躔遵度占其應者九魁昭融戩穀符五百之昌期茂豫喬椿瑒八千之瑞紀是以箕疇錫敘首敘福之休徵絳譜疑年衍積旬之壽英靡不騰聲董史蜚茂周篇固知握大年之券不藉餌木餐芝膺蕃祉之符無俟歌松頌柏者矣維我老伯鐵梅先生者乃新裁公祖之尊甫也誕膺星嶠海濤靈源之潤六世清德載萃於文中萬石家風首推於漢代先生誕照騰年琮敷卅歲學勤焯掌慧

篤高遺文上

擅覃心索幼安逸聲之量便異常童齋遂欣局幹之才自成名器其侍大封翁霽堂先生也服勤懇懇含愉翼翼腴冬鱸夏養志無方枕清衾溫承惟顏蠡漏初下橋衡之奉必虔難人始號管運之佩已飭烝烝色養陳元方表表於潁川絮絮思柔東廣徵補詩於周雅既而伯兄上舍蘭穎早芬荆枝遽萎先生以北平最季實元大宗偉節高名奄超伯氏遂乃上稟慈規下領家政有無均於族鄰渾潤覃於宗枋彭城羣從皆俊惠之有聲江州義門信雍睦之無間兼之德配老伯母熊太恭人戟門東曜月館含章端操有蹤

口則可乾用能襄夫子以劭德口威姑而助莊閨儀
玉照萊春與梁案齊輝閭範瓊標郝法與鍾型並茂
珈蓼節步自符德象之篇榆狄章文彌肅女宗之訓
德門懿標允哉倘已先生爰逮壯年遂通朝籍晉升
華省懋賢秋曹彌雀角以平反展驥足以錯祥刑克
允明慎種於心田憲典敷寬端平開於肺石爽鳩司
獄必持三宥之平瑞芳觸邪遂格十愆之俗既而脫
屣軒冕息影林泉續仲長樂志之篇著歐公歸田之
錄北海尊酒坐客滿而忘憂西華練裙故人聞而生
感有平仲三口之惠無孝標五交之譏閨門雍穆陳

舊膏遺文上

六

太邱之素風隣里順和王彥方之隱德花開吉貝克
蘇鵲衣之寒倉散瑞祥豫壽雁戶之急固已里級厚
德人頌賢聲矣又以講舍失修橫經罕集先生乃慨
捐精鏐載興崇構丹艱煥采樂窠庀材紺園文棟大
擴鹿洞之規方領青衿重華鵲湖之講凡茲義舉曷
聲榆揚是宜厚福載膺希聲駢集揚家武啓雙鏤報
其將昌于公活人駟馬知其必大於是清聲鵲起哲
嗣鴻騫蘭開室香芝呈庭瑞伯播片類之芬芳高麟
角仲骨微垣之秩榮按鵲班賢昆既拊鄂交輝少公
復桂林特秀我新裁公祖卽其李也緝柳勛勤瞻喬

秉訓北溟鵬運東浙鳬飛剖符大末既惠政之口敷
奉檄口興復雄麾之屢攝迄於佐治東甌紆綬下邑
清風載穆與頌臚懽建康之治寶冠百城公孫之才
爰攝五縣遂乃築養堂而棠蔭連視加餐則某衣
錦繞絃歌萬戶齊吹口華之笙桃李千行遙接喬椿
之館先生乃導迎善氣口勅官箴慰其愛日之忱勸
以戴星之口趙廣漢之衡事夙本家風汲長孺之發
倉實由庭誥是宜介考成之繁祉占平秩於延洪琳
篇益算口某采南國之謠玉案凝釐都荔譜東房之
奏茲柔兆書辰天正紀月先生以杖國之年展懸弧

舊膏遺文上

七

之慶於是玳瑁筵開後猊香篆老人星朗宿麗南驢
高會仙多尊酒東海伯仲承歡於玉口少公贊治於
黃堂從子則紫綬緋魚文孫亦瑤環瑜珥自天錫嘏
五花之鳳詔騰輝行地成仙四葉之燕詒濟美洵椿
庭之至樂蔗境之彌甘口等夙叙通德於蘭芬久口
季方之樾陰拜龐公於牀下侍口叟於觴間欣屆令
辰爰摠頌行綠鱗丹首永賡通錄之篇謬檢銀文崇
晉長生之笈將見鸞章三錫偕鳩至而榮頌鶴算百
年歷紀鯉庭之上孝謹序

徐太宜人暨王太安人壽序

余讀漢劉子政列女傳八篇所述逾百人大抵揚推懿烈揭著隆槩未有紀其年壽者繼又得明嘉禾陳懋仁壽者傳自帝王以迄國老庶老凡三篇耆德遐齡綴緝略備而復不及奇數蓋禮宗高行不必皆有上壽而躋上壽者則又或出窮鄉蓬華芳徽闕寂爲紀載所不及固知賢壽兼備彤史罕聞而況兩世賢母胡考相承蕃釐純德一門總萃若今永嘉童母徐太宜人暨令媳王太安人有信一代之人瑞豈徒閭里之嘉話哉徐太宜人者蘭溪童儀軒先生之德配

篇膏遺文上

也先生精究靈素以醫名一時性嗜山水年三十遊永邑愛其山水之秀遂家焉設藥肆以自給暇則爲人治疾多神效太宜人甫笄而歸儀軒先生愛敬備至資性尤慈惠生丈夫子五人女三年四十而先生捐館撫諸子教訓極嚴長子琴舫先生尤端謹亦以精醫紹其家學既冠而娶同邑王氏即今太安人是也太安人亦事姑以孝而相夫以勤儉生子女各三人皆以賢聞琴舫之卒也太安人年五十矣力持門戶次第爲諸子畢婚嫁條理秩然絲毫不以煩徐太宜人蓋姑婦同符徽音克嗣郡中士大夫論賢者必

以童氏兩母爲稱首嗟何其盛歟今年二月爲徐太宜人九秩壽辰而王太安人亦適躋七秩諸戚友將與兩母同舉介壽之觴而徐太宜人之三子口口先生四子口口先生及三女歸郭氏者年亦逾六十諸孫三人曾孫九人曾孫女四人環繞膝下蒸蒸色養元孫口口又已周歲瑤環瑜珥蘭茁庭階郡邑長史將以五世同堂聞於大府表闡以寵之鄉里傳誦以爲盛事余與太宜人令孫雪帆爲稚故是不可以無述也謹略述兩壽母之賢以議大年劬德慶延累葉爲古今罕觀之嘉瑞而自今以往兩壽母之康彊膺

篇膏遺文上

九

福以登於期頤尤未有父者也余更願滿堂紀之矣

張廣雅尚書六觀序

光緒二十有二年丙申八月吾師廣雅尚書張公六
鄂誕辰凡著弟子之籍者咸獻言以為千秋之祝詒
讓獨以銜恤家居不得與稱慶庶丁酉而公以官年
六十禮官上聞天子優禮耆德將舉錫虜之典蒙宇
翹首以瞻異數而詒諫亦適屆祥禪雖學識疎淺於
公之盛德大業未能仰贊萬一而於自強興學之情
畧有所窺斯固不可以無述也竊惟公自妙年通籍
即以鴻文碩學受穆廟特達之知回翔詞館已蔚然
負公輔之望泉今上光紹大統祇承懿訓知公尤新

稿膏遺文上

十

遂以侍從之臣建節晉粵江鄂領南洋欽差大臣崇
樹勳勦震愴異域若援越拒法籌俄備倭以遠開鐵
路治卹政簡軍籌精鍊金製械諸大政閱謨偉略不
可勝舉而公之密勿敷陳與夫獨居淡念所尤致意
者則以為中國自強之道莫先於興學開物成務究
極原本俾圓顛方趾之倫昭然發其蒙華非夫法俗
變法之論也蓋公自在詞館即與當代賢達研經講
學通漢宋之涂輟氓中西之區畛論著名通海內傳
誦及外膺疆寄益崇闡斯義於粵立廣雅書院於鄂
立兩湖書院廣集方聞之士俾攄講經義治事之學

而開府江東以迄旋節漢上復建議設水陸師學堂
以培人材設自強學堂以開民智規制宏遠方興未
艾故公數歷中外經緯萬端而興學以求自強尤公
經世更化之微情所謂百世以俟聖人而不惑者歟
詒諫昔治周官經而知周之軍制與學校相輔而立
蓋王畿治軍以六鄉七萬五千家為正卒而六遂副
之遠郊之內地不逾四同而其立學也則為鄉序者
六為州序者三十為黨序者百有五十遂之屬別亦
如之而郊野都鄙與夫枝室家塾數復倍徙於鄉遂
西周之隆所以張皇六師鞭撻夷貊者實本於是今

稿膏遺文上

上

歐美諸強國學堂雖盛方斯邈矣至其教學之方端
緒精尚經典或未能盡詳而推其總要則惟德行道
藝師儒兼重綜貫萬原今西人所治天算地形光重
化電諸學蓋已略賅於其中政周衰學校廢闕而諸
子百家猶有能綜述之者若曾子單居禹之論天管
夷吾鄒衍之論地列禦寇墨翟之論景鑒均重多奇
偉精眇之說而兵技巧家言則墨氏之書尤詳然則
西人所為挾其長以雄視五洲者皆成周教學之餘
緒也撫泰煬書經稽淪伏周官道藝之傳闕焉不續
祿歷千載益陵夷不講而西人遂乃窮其智巧以自

名其學俗儒蒙固亦復幽冥而莫知其原學校廢而
道藝微斯固古今盛衰之原抑亦中外強弱之樞館
歟自道光海上用兵以來海內學者蔚然爭論富強
邵陽魏氏首卑攷四裔地理形勢間涉兵權謀家之
論其言閎侈或未易施行安吳包氏始探原於河漕
農桑以植內治之本湘鄉曾文正公揭禮治一原之
情持論尤精而以勤平寇亂未遑更治惟公覃思閎
攬肇建興學之議提綱握要其意深遠今者朝廷開
儲材之館以廣致茂異之士東西士大夫亦皆焯然
知貧弱之原由於學之不講公私校舍次第興立明

播膏遺文上

莫通譯風尚大昌其端皆自公發之然則遐稽周典
近綜西藝培人才開民智興學以自強所以舉國家
億萬之祚而為中國四萬萬人所繫命者在是即公
之寺攷所為永於無窮者亦在是斯非名世大賢之
盛軌乎詒讓伯督無似昔嘗侍公燕閒獲聞古今學
術之派別中年早衰學殖荒落重以孤露餘生廢業
累歲曩時所治百不識一唯是禮經為夙為誦說者
猶能舉其要畧竊謂周官鄉遂立學以德行道藝治
軍教民之義與公所陳建者弁若合符輒綴輯之用
證興學自強之情而即以為靈命難老之頌小子學

禮惟夫子其教之矣謹叙

播膏遺文上

胡芳谷夫婦六十壽序

吾邑城面山負海形勢雄厚唐宋以來故家巨族名賢達士項背相望而胡氏尤為著盛自宋乾道淳熙間胡少賓先生為止齋陳文節公學友與葉正則蔡行之諸先生相頡頏華胄蟬聯千年無替迄今猶為儒族文學科第之盛甲於一邑世德隆遠代有名碩薦紳之士率皆經明行修以禮法相摩切而其種學績文者年厚福為鄉里所欽仰若余姻戚芳谷明經者尤其魁傑也君挺資穎特幼嗜文業承其先姻文棟甫廣文義方之訓束髮受經即以精敏輟其儕伍

篇膏遺文上

中

甫弱冠應童子試即冠其曹遂以文藝受知督學使者吳和甫侍郎拔入府學為名諸生復以屢試高等補上舍生顧性靜退負其雋才邃學而超然於榮利之表既膺鄉貢即不復應科舉惟以讀書課子為樂尤善談論每揚推古今治亂多造微之論聞者無不心折而襟懷冲淡被服儒素見之者不知其為高門華閥也元配項孺人以詩禮華胄作儷高賢奉案晉饋肅敬無懈哲嗣後谷國學文孫公哲公勤公治輩皆篤志儒業君為延師督課益自淬厲咸以妙年隲采有聲於時行將接武螢津光紹家業而曾孫肇燦

方在髫齡而姿稟英特瑤環瑜珥望而知為佳兒蓋君年甫逾五十即已孫曾綿衍歲時伏臘一門羣從內外諸孫數十人奉耕奉觴為奇者環繞膝下天倫之樂盎然溢於家庭之內此尤非鄉曲舊族之所能企也余家自太僕君移居域內之邵與所居距君家不數里往還最密曩者先姻文棟甫先生以碩學輝映先達領袖後進與先君為文字交雖少賓之與止齋不是過也余少時嘗得侍棟甫先生譙譚與聞緒論以兩世交遊姻婭知君之學行尤悉今年七月為君六旬誕辰適項孺人年亦周甲諸姻黨將稱觴為

篇膏遺文上

下

君奇而以祝延之文為屬蓋君雖席豐履泰而欲然不以自足其志趣之醇與福澤之備求之於古郭林宗陳仲舉之倫殆無多讓而且年逾五十四葉重光福祉蕃萃尤為鄉里所罕聞也蓋其純懿溫粹之性得於天者既厚而冲懷曠抱尤足以迓和而禔福則其克享天年非徒故家喬木靈秀所鍾抑亦行誼之篤有以握其券也輒敬綜緝所聞以倘惇史之祝若夫年彌高而德彌劭繇斯而晉秩於無疆則固未有艾爾謹序